



Broj:01-04-1-57-2214/21
Datum:25.10.2021.g.

Na osnovu člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“ br.12/03, 34/03 i 65/13) i člana 6. stav 3. Pravilnika o standardima i kriterijima za imenovanje članova Upravnih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“ broj: 5/14), a u skladu sa članom 34. Pravila JU Zavičajni muzej Travnik broj: UO-31/18 od 31.08.2018. godine, u postuku imenovanja na pozicije u Upravni odbor čiji je osnivač Općina Travnik, načelnik Općine Travnik, **o b j a v l j u j e**

JAVNI OGLAS

za izbor i imenovanje predsjednika i članova Upravnog odbora JU „Zavičajni muzej“ Travnik, čiji je osnivač Općina Travnik

I- Opće odredbe

Objavljuje se Javni oglas za izbor i imenovanje predsjednika i članova u Upravni odbor JU Zavičajni muzej Travnik, čiji je osnivač Općina Travnik i to:

II-Broj članova i struktura

a) Upravni odbor

1. JU „Zavičajni muzej“ Travnik, ukupno 3 pozicije

- član upravnog odbora – ispred osnivača 2 pozicije
- član upravnog odbora,- ispred stručnih radnika ustanove, 1 pozicija

III – Nadležnosti

Sjednicama Upravnog odbora rukovodi predsjednik upravnog odbora javne ustanove.

Predsjednik Upravnog odbora je nadležan za sljedeće: u saradnji sa direktorom preduzeća, odnosno ustanove brine se o pripremi materijala za sjednice Upravnog odbora, brine se o izvršavanju akata Upravnog odbora i obavezama prema Općini Travnik i vrši i druge poslove utvrđene Statutom i drugim aktima preduzeća, odnosno ustanove.

Nadležnosti predsjednika i članova Upravnog odbora utvrđeni su Zakonom o javnim preduzećima i Zakonom o privrednim društvima i statutima javnih preduzeća, odnosno privrednih društava.

Predsjednik i članovi Upravnog odbora imenuju se na period od 4 (četiri) godine.

Imenovane osobe imaju pravo na naknadu u skladu sa općim aktima Ustanove.

Lični podaci o kandidatima su tajni i mogu se prikupljati i obrađivati u skladu sa odredbama Zakona o zaštiti ličnih podataka BiH („Službeni glasnik BiH“, br. 49/06, 76/11 i isp.89/11).

IV – Uslovi za izbor i imenovanje

Svi kandidati za pozicije u Upravnom odboru koji su predmet ovog javnog oglasa moraju ispunjavati sljedeće:

- a) opće i
- b) posebne uslove

OB 001

Strana 1 od 3



a) Opći uslovi;

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije,
- da se na njih ne odnosi član IX.1. Ustava BiH,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji BiH (« Službene novine Federacije BiH», br. 12/03, 34/03 i 65/13),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa u organima vlasti Federacije BiH («Službene novine Federacije BiH», broj: 70/08),
- da im nije pravosnažnom presudom nadležnog suda izrečena zabrana obavljanje aktivnosti koje su u nadležnosti preduzeća odnosno ustanove za koji se kandiduje,
- da nisu stariji od 70 godina na dan imenovanja
- da nisu član više od jednog Upravnog odbora ili Nadzornog odbora, odnosno odbora za reviziju.

b) Posebni uslovi;

- Kandidati za predsjednika Upravnog odbora moraju da imaju najmanje visoku stručnu spremu (VSS-VII stepen) ili visoko obrazovanje prvog ciklusa (najmanje 240 ECTS) drugog ili trećeg ciklusa Bolonjskog sistema studiranja
- Kandidati za člana Upravnog odbora javnih ustanova i privrednih društava, moraju da imaju najmanje višu stručnu spremu (VŠS- VI stepen), ili visoko obrazovanje prvog ciklusa (najmanje 180 ECTS), Bolonjskog sistema studiranja, a u izuzetnim slučajevima kandidati za Upravni odbor ispred preduzeća ili ustanove srednju stručnu spremu (SSS - IV stepen),
- Kandidati za predsjednika Upravnog odbora moraju da imaju najmanje 3 godine radnog iskustva, a kandidati za člana Upravnog odbora javnih preduzeća moraju da imaju najmanje 1 godinu radnog iskustva,
- da je uspješan privrednik-memadžer ili javni radnik,
- da posjeduju sposobnost nepristrasnog donošenja odluka, komunikacijske i organizacione sposobnosti,
- da posjeduje pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

V - Potrebni dokumenti

Uz prijavu na javni oglas kandidati su dužni priložiti sljedeću dokumentaciju (**originali ili ovjerena kopija**):

- kraću biografiju sa kratkim pregledom profesionalnih aktivnosti i radnog iskustva, adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog suda ne starije od 3 mjeseca,
- diplomu o školskoj spremi,
- uvjerenje o radnom iskustvu u struci,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa,
- Izjave ovjerene u općini ili kod notara da se na kandidata ne odnosi član IX.1. Ustava BiH i da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa u organima vlasti Federacije BiH («Službene novine Federacije BiH», broj: 70/08),

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjua Komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme srodnog zanimanja.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u «Službenim novinama Općine Travnik».

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji BiH.


Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u «Službenim novinama Federacije BiH», web stranici Općine Travnik i Oglasnoj tabli općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «prijava na ponovni Javni oglas za izbor i imenovanje članova Upravnog odbora JU „Zavičajni muzej“ Travnik» - NE OTVARAJ.

U prijavi kandidati su dužni označiti na koju se poziciju kandiduju. Neblagovremene i nepotpune prijave neće se uzeti u razmatranje.



NAČELNIK

dr. sci. Keran Dautović

